



Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Guilielmus Holt migrat in Scotiam, & capitur. n. 25.

urn:nbn:de:hbz:466:1-38320

1602.

anno supra millesimum quinto decimo in Angliam soluturus diem obiit
Duynkercæ.

Guilielmi
Holti ini-
tia.

XV. Inter ea dum hæc aguntur in Anglia, & vel sudore viuentium, vel
morientium sanguine Religio firmatur & crevit, sensit societas aduersum se
in *Guilielmo Holt* æmulationis aculeos acriores, quam aut hominis integritas,
aut Societatis innocentia postularet. *Holtus* è Lancastria oriundus, primis
literarum principijs domi haustis, Rhetorum ac Philosophorum ornamenta
adiunxerat in Academia Oxoniensi: Theologis etiam audiendis tres annos
dederat, quando Hæresim pertælus Duacum le recepit pœceptis melioribus
imbuendus. Isthic annos alios tres Theologicis institutis cum tradidisset,
ordinibus sacris initiatuſ, Romamque profectus, in Societatem adscriptus est,
sextuſ iduſ Nouembriſ anni ſeptuaginta octaui, atatiſ annum agens trigesi-
muſ tertiuſ. Decurlo Tyrocinij ſtadio, anno altero Theologis euolendis
dato, quoniam qui in Angliam miſſi fuerant *Campianus* & *Personius*, ad am-
pliſſimam colligendam meſſem flagitabant adiutores, iunctuſ *Heywodo Holtus*
in eam Inſulam nauigauit. Tenebatur id temporis arcta in custodia Regi-
na Scotiæ, Hæc inter carceris angustias fidem Catholicam, Principiique filij
ſalutem in pœcipuis curis ponens, poſcebat quempiam qui doctrina, pietate,
industria illam iuſtinere, hanc datâ opportunitate in tuto collocare posset:
Deligitur à *Personio Holtus*; Reginæ ad Regem puerum munitus literis in
Scotiā penetrat; beneuolè initio accipitur; ſpem non leuem concepit fru-
ſtuſ humanitate excitataſ principum virorum: Concidit tamen illa non ita
multo poſt Caluinistarum puriorum depreſſa consilijs, quæ inde ex Anglia
fouebat Elizabetha cum ſuis incitabatque; captuſque *Holtum* depoſcebat ad
quaſtionem admouendum: Rex obſtitit matrem reueritus & Oratoris Gal-
lici precibus confirmatus. Poſt duos annos Scotiæ impenſos iubetur liber Sco-
tiā diſcedere: Ita *Personius* ad Ribadeneiram in Septembri anni octogesi-
mi quarti " *Guilielmus Holte* (quem accepisti miſſum ex Anglia in Scotiam,
carceres aliquamdiu toleraſſe) nunc liber eſt; liberi etiam ſunt aliij Patres duo
cum uno coadiuторe recenter in eam vineam tranſiſſi.) Anno deinde octo-
gesimo leto vocatus Romam, & Seminario Anglorum de vībe moderando
datus Rector ad ſequiannum pœfuit: Tum in Belguim miſſus confedit
Bruxellis ad decennium; fruſtra ad inuidiam infamianque conſlandam la-
borantibus æmulis; quam ille inuidiam ſemper animi æquabilitate singulari,
atque inuidia patientia facile depulit.

Migrans in
Scotiā
capitur.

Vnde illi
confliata in
uidia.

XXVI. Inde ab anno octogesimo primo *Alanus* & *Personius* cùm rens
Catholicā in Anglia & Scotia communi consilio promouendam iuſcepiffent,
quoniam inter cætera auxilia, *Mariæ Reginæ* Scotiæ libertas (quam Eliza-
betha ab annis duodecim coēcuerat) non parum momenti allatura videba-
tur, Carolum Pagettum, & Thomam Morganum (qui Scotiæ rationibus ſe
plurimum per literas vltro citroque ad illius necessarios datas immisceruerant)
in consilium adhidendos censuerunt. Quidam vero in illos confeſſim consilio-
rum